



MEMORIÆ  
VIRI AMPLISSIMI ET INTE-  
GERRIMI

DN. PETRI  
FRIDEBORNII,

SENATORIS ET MERCA-  
TORIS INTER CIVES STETINEN-  
SES PRIMARIJ,  
ANNO ÆTATIS LV.

PIE DEFUNCTI  
ET STETINI IV. IDUUM QVINTILIS  
SOLEMNITER HUMANDI

SACRUM:  
CUM INVITATIONE  
STUDIOSÆ IN GYMNASIO REGIO STETI-  
NENSI JUVENTUTIS

AD EXEQVIAS DECENTER CELEBRANDAS  
FACTA

A

M. DANIELE Schulgen/  
CONRECTORE.

STETINI,

Typis GEORGII GOETSCHII, Reg. Pædag. Typogr.





Esſis adſunt tempora, flaventia  
undiq; ſata ſollicitum invitant colonum.  
Meſſores ſalcibus ſegetem reſecant, fra-  
gilesq; culmos humū reclinant: pars eos  
faſciculis coërcent, pars hinc inde per  
agros mergites certa ſerie erigunt, pars  
in horrea convehunt, theſaurumq; re-  
condunt. Cernere eſt caſtrorum ritu tentoria quaſi ſe-  
getum campis ſparſa: clamor & juba ſocios per viciniam  
exhortantium & ſalcium aſtritarum ſonus ſumma cum  
voluptate clangunt. Interea fora vacant, lites, longo tum  
uſu legumq; placitis, quieſcunt. Divus Marcus noluit cir-  
ca rem ruſticam occupatos, cum meſſis vindemiæq; ſunt,  
in forum compelli. D. Trajanus, ſpicam fœnumve cæ-  
ſum, uvam ademptam, excuſam oleam, vindemiam co-  
actam à forenſibus negotiis vacationem dare, reſcripſit.  
Verum quietem legibus concēſam ignorat mors: neſcit  
illa inducias, neſcit juſtitium, neſcit ulli vel loco vel tem-  
pori vacationem concedere. Sicut immitem illius conva-  
dationem ſenſit etiam Vir ampliſſimus & integerrimus  
Dn. PETRUS Friedeborn/ reip. Stetin. Senator; ejuſq;  
forum ſeqvi juſſus eſt in iſſis jam meſſis feriis. Admo-  
nemur ſcilicet communis noſtræ totiuſq; univerſi ſortis.  
Qvemq; manet ſua meſſis, totuſq; orbis ſuā exſpectat meſ-  
ſem: hic in conſummatione ſeculi; illi in vitæ ſuæ clauſu-  
la. Meſſis eſt conſummatio ſeculi, inquit Servator noſter  
in explicatione parabolæ de zizaniis, meſſores ſunt Ange-  
li. Meſſis eſt cujuſvis obitus, quando inſtar culmi matu-  
ritate jam albeſcentis falce mortis reſecatur, ſepulcroq; cen  
horreo reconditur. Neq; hic cuſpiam immaturitatem  
qvandam allegare licet vel ætatis, vel annorum, qvod non-  
dum attigerit illum vitæ terminum, qvem vel Solon, vel  
Moſes & Eſaias, vel Juris conſulti pepigerunt: qvorum il-  
le



le septuaginta, isti totidem vel ad summum octoginta, hi centum annos posuerunt. Satis jam annorum habet, quem ex hac mortalitate vocat fatum: satis jam maturus est, qui bene moritur: modo pueros, modo adolescentes in cursu à tergo insequens nec opinantes sua adsequitur senectus. Apud Hypanin fluvium Aristoteles ait bestiolas quasdam nasci, quæ unum diem vivant. Ex his igitur hora octava quæ mortua est, provecta ætate mortua est: quæ vero occidente sole, decrepita: eo magis, si etiam solstitiali die. Confer nostram longissimam ætatem cum æternitate: in eadem propemodum brevitate, quæ illæ bestiolarum, reperiemur. Contemnamus igitur omnes ineptias: quod enim levius huic levitati nomen, inquit Cicero lib. i. Tusc. quæst. imponam? totamque vim bene vivendi in animi robore ac magnitudine, & in omnium rerum humanarum contemptione ac despicientia, & in omni virtute ponamus. Sed nec parum hoc ipsum messis tempus, mortisque cum messe cognatio, ad mortem lubenti animo excipiendam faciet; inprimis si & suam quisque mortem messem fore credat. Messem omnibus votis exoptant coloni: messis spe labores solantur, animumque rei familiaris cura vacillantem suffulciunt. Haud minus & nos vitæ labores futuræ mortis spe toleremus, nec vel pueritiæ herbarum, vel juventutis flori tantum tribuamus, ut vitæ idcirco fructus in mortis messe negligamus. Illa laborum est meta, ærumnarum terminus, veræ quietis initium & horreum tutissimum; ubi nec tempestas porro sentitur, nec grando timetur, nec siccitate laboratur. Plerique quidem mortalium ut vitam non suo merito æstimant, ita de morte injusta fere arbitria agunt. Illam & amant tenere, & fovant anxie, & omnibus modis tueri student: pro ea vota suscipiunt, allegant preces, nec durissimos adire recusant labores: huic arant, huic navigant, & arcana naturæ fœdera quasi percurrunt; cum ta-



men tota sit vana, incerta, ad nebulæ instar inanis, curarum  
domicilium, dolorum officina & vastum malorum omni-  
um mare. Istam autem quam deprecantur & fugiunt?  
Quam habent exosam penitus & formidatam adeo, ut vel  
ad nudum ejus nomen toti cohorrescant? Quæ tamen  
bonum est expetendum, quod nos liberat ab omni timen-  
do, uti Tertullianus loquitur: quæ ex labore nos ad quie-  
tem, ex æstu ad refrigerium, ex dolore ad voluptatem, ex  
fletu ad solatium, ex carcere ad libertatem, ex fide ad no-  
titiam, ex mundo deniq; in æternam transfert patriam,  
quæ D. Bernhardi est sententia. A malis mors abducit,  
non à bonis, verum si quærimus, inquit Cicero in Tuscu-  
lanis quæstionibus. Hoc à Cyrenaico Hegesia sic copio-  
se disputatum fuit, ut is à Rege Ptolomæo prohibitus esse  
dicatur illa in scholis dicere, quod multi his auditis, mor-  
tem sibi ipsis consciscerent. Callimachi epigramma in  
Ambrociorum Cleombrotum est, quem ait, cum nihil ei  
accidisset adversi, à muro se in mare abjecisse lecto Plato-  
nis libro. Non deterret itaq; sapientem mors, quæ propter  
incertos casus quotidie imminet, propter brevitatem vi-  
tæ nunquam longe potest abesse. Hoc meditatum ab  
adolescencia debet esse, mortem ut negligamus, sine qua  
meditatione tranquillo esse animo nemo potest. Morien-  
dum enim certe est, & id incertum, an eo ipso die. Mortem  
igitur omnibus horis impendentem timens qui poterit a-  
nimo consistere? Verum in commune homines præsentibus  
ducimur, futura aut negligimus, aut de iis dubitamus: iisq;  
maxime rebus metimur felicitatem, quæ præsto atq; ad  
manum sunt & desideriis nostris explendis, ineptis sapius  
atq; absurdis, imprimis faciunt. Hinc mortem vel ad nos ac-  
cedentem horremus, vel functos alios dolemus. Quanto  
melius ille paganus Sapiens: Nos vero, inquit, si quid tale  
acciderit, ut à Deo denunciatum videatur, ut exeamus è  
vita;



vita; læti, & agentes gratias pareamus, emittiq; nos è custodia, & levari vinculis arbitremur: ut aut in æternam, & plane in nostram domum remigremus, aut omni sensu molestiaq; careamus: sin autem nihil denunciabitur, eo tamen simus animo, ut horribilem eum diem aliis, nobis faustum putemus: nihilq; in malis ducamus, qvòd sit vel à Diis immortalibus, vel à natura parente omnium constitutum. Idem, cum dixisset, non temere nos, sed destinatione Numinis nasci: qvòd constituerit etiam, ut post labores exantlatos incidamus in mortem: eamq; non malum interpretandum, sed portum atq; perfugium nobis; exoptat etiam, ut passis velis eò pervehi liceat. Quanto rectius ita animatus erit Christianus, qvì in iis qvæ sperantur defixus animo potius est, quam qvæ tenentur. Itaq; cum nascitur quispiam, eum mortem ordiri censet: cum obit & solvitur, auspicari vitam existimat. Et tantum abest, ut mori fugiat; ut expetat potius ac optet liberari ergastulo corporis, & avolare ad illum, cujus sacramentum hætenus portavit. Atq; hujusmodi etiam oculis Beatus noster Defunctus mortem suam adspexit semper, hac mente eam actorum laborum statuit messem: ubi quidem animæ datur initium novæ atq; æternæ vitæ, & quidam ingressus ac aditus adeo in ipsam divinitatem; corpus vero dormitorii horreo reconditum universalem universi messem cum omnibus piis exspectat. Natus est Sedini anno currentis seculi sexto, pridie Kalendar. Julii, Patre Hermanno, Hermannii Fridebornii, civis & negotiatoris Stetinenfis integer-rimi, & Gertrudis *Radewiegs* / ex Eichstadiorum familia apud nos vetustissima oriundæ filio: Matre inter matronas nostrates optimæ notæ, Margareta, Christophori *Millies* mercatoris primarii, & Annæ *Marquarts* plane antiqvæ, hoc est, optimis moribus feminæ filia. Ut ita longe meliore jure, quam illa apud Sophoclem gloriari posset, *εὐστεινὸς ἐξ*



*in primis*; sedula in primis & arcta accedente educatione. Neq; enim contenti parentes ingenuam pignoris charissimi indolem domi efficacissimis exemplis ad industriam extimulasse: publicorum etiam in schola patria curam auspicato adhibuerunt, sub quorum fidelissimo moderamine indies proficiens insignia solertiae suae sperimina edidit; dum puer Latinitatis fundamenta ita jecit, ut postmodum, haud citra insigne oblectamentum, Latinos auctores & legere & intelligere facile potuerit. Verum cum pueritiae periodo circumvoluta certo mancipandus esset studio & vitae generi; exemplo in primis majorum allectus Chrematistico magis favit genius, quam literato. Anno igitur ætatis 14. ablegatus est in Poloniam, & inde Gedanum, ut Sarmatice loqui disceret: cujus lingvæ ignorantia, Polonis nobis ita vicinis, mercatura apud nos creditur sterilior. Adolescens decem & octo annorum, quibus plenam pubertatem prudentes definiunt, Amstelodamum venit: operamq; suam Dn. Abrahamo **Dancerten** / Negotiatori primario, non locavit tantum, sed etiam probavit: sive merces essent comparandæ, sive conservandæ & distrahendæ, sive nomina hinc inde impeditiora cogenda. Atq; hujus ultimi in primis negotii occasione una opera, quasi aliud agens, unitas Belgii provincias peragravit, perlustravit, nec parum prudentiæ Politicæ sibi comparavit. Sexennio ita extracto tandem ad patrios remeare Lares consultum fuit, invitante in primis matris viduitate; ut patriam hereditatem & adiret & administraret. Facile ubi ipsum ministrandi cepit satias, suis potius rebus & commodis, quam alienis utilitatibus, serviendi incescit cupiditas. Unde porro de condenda familia sollicitum uxorem, vitæq; & laborum sociam conquirere juvit; talemq; tandem anno hujus seculi trigesimo quarto, qualem desideravit, invenit, re & nomine scilicet Benignam, Antonii **Güterigen** inter




inter cives & negotiatores nostrates conspici filiam.  
Conjugium inde contigit, si societatem conjugalem spectemus, jucundissimum: si liberos, fecundissimum; quatuor siquidem numeravit filios & quinque filias: si cætera omnia, quamdiu non solutum fuit, felicissimum. Sed nequaquam bona est hæc impotens rerum humanarum domina, etiam cum maxime bona: sæpeq; lætiores relinquit, quos nunquam adspexit, quam quos deseruit. Noster certe, cui hæc scribimus, quam subito de summo felicitatis gradu delapsus est? quando non solum omnes, præter unam, natos, sed & uxorem dulcissimam à complexu ejus avulsit, & ex hac vita abduxit mors. Quid hic ageret? res familiaris satis erat ampla, nec domui suæ pariter & curiæ, cui tunc commodum adsociatus fuerat, vacare poterat: de conjugē igitur denuo cogitare cœpit. Solent quidem nuptiæ secundæ raro esse secundæ: Sed noster quam rursus experiri jussus est fortunam, non expertus est nisi indulgentissimam. Uxorem enim largita est virginem lectissimam optimæq; moratam, Mariam, Viri amplissimi & prudentissimi, Dn. Christiani Malchinii, reipubl. Stetinenf. Camerarii fidelissimi, filiam dilectissimam. Cum duo alias potissimum sint, quibus conjugum censeatur felicitas, si & concorditer vivant, & liberis minime careant: neutrum illis Numinis beneficio defuit. Quamdiu enim convixerunt inter se, summa animorum conjunctione & quasi conspiratione quadam fuere notabiles. Adhuc natæ ipsis sunt duæ filiæ; quæ jam quidem unâ cum altera sorore, cum matre & avia, parentis, mariti atq; generi fata acerbissime plorant. Cæterū pietatis, religionis & sacrarum literarum studiosissimus fuit: in reliqua vita bonū & virum, & civem, & Senatorē ita egit, ne propter offensiones cum hominibus rixaretur, quod est iracundiæ: nec propter voluptatē corporis cibo potuq; nimio ventrem  
sponte



propterea oneraret, quod est intemperantia: nec denique; vicinos  
aut concives verbis factisque; læderet, quod est inhumanitatis.  
Æmulationes si quæ erant privatae, in publicis congressibus  
deponebat: veritatem fictis sermonibus & fucis antefere-  
bat; omnem denique; vitam ita componebat, ut quisque;  
ejus diligeret mansuetudinem. Atque; hisce artibus facile  
sibi ad honores publicos fecit aditum, adeo ut variis offici-  
orum axiomatibus vitæ suæ annos ferè distingvere por-  
uerit. Dum primum cœnobii Johannæ Provisor, mox  
Collegii mercatorii Protostates, mox Senator, mox tem-  
pli Jacobæi & Nicolaitani Provisor, mox judicii suburba-  
ni Præfectus, cum omnium bonorum adplausu, electus  
est. Superiori septimana in medio virtutis & honoris sta-  
dio aggressa est Virum tusus: quæ pulmonum viscus, imo  
totum corpus, ita adflixit, ut lecto adfigeret, & tandem, ca-  
tharro suffocativo in societatem quasi adscito, neque quæ-  
renitentibus Medicis, inter suorum adstantium lacrymas  
& preces, seculo valedicere juberet; postquam salutaris illo  
sacratissimæ cœnæ Dominicæ viatico mature, ante tres  
scilicet septimanas, sese instruxisset, ultimamque; à Confessio-  
nario benedictionem accepisset, & præter LV. annos VII.  
dies compleret. Sit memoria ejus in benedictione. Vos  
Juvenes lectissimi, vestri officii memores ultimum virtu-  
ti hujus Viri officium frequentes præstate. Caterum ita  
vos gerite, ut quando vestra vita occiderit, suis se quoque;  
laudibus ea consolari possit. VALETE.

M. DANIEL Schulz.







985212 Bibliotheca 5.000,-  
P.P. Camaldulensium in Bielany

Depozyt w Bibliotece Jagiellońskiej



10232

X. II. 26

